

同治鄞縣志

第一冊四

鄞縣志卷四十一

人物傳十六

皇朝一

范光文字潞公欽曾孫

聞志

父汝材居家孝友

曹志

光文性豪爽遇事

果決為諸生時已能弭盜定變

聞志

順治六年與弟光遇同登進

士授禮部主事遷吏部文選司

曹志

八年為陝西鄉試正考官

清祕

述聞

○案曹志亦言以吏部典試陝西錢志

嘗值諸曹乏人身

綜四司事案無滯牘

曹志

兢慎自持始終一節

聞志

同里董文和母

妻幼子四人

○案錢志作母妻子女

沒入旗下行乞途中貸貲贖歸里人

咸美之

曹志

然以勁直不合於大僚罷官歸徜徉湖曲與董德偁

林時躍倡和最多

續耆舊傳

其家天一閣藏書甲於浙東光文復購

所未備增儲之黃宗羲至甬上光文導之登閣讀所未見書一

時稱其不愧世家風流云

錢志

范光遇字逢年

○案續耆舊傳作字會齋

光文弟

曹志

少貧力學每五鼓起然燈

讀書日則治生以養父順治五年舉於鄉次年成進士授膚施

知縣地當兵燹之餘戶口多逃亾而丁賦極重責居者代輸光

遇按籍申巡撫求奏蠲虛額遷常州同知嘗攝宜興篆懲姦民

之冒旗軍者其黨以飛語構諸大帥幾得禍對簿事始白又嘗

署郡事出冤獄四人

錢志

擢知兗州府革私耗郵驛遞葺學宮方

入閱月以常州逋賦左遷歸

曹志

從子廷元字掄三

○案曹志作遴三續耆舊

傳作字

光遇同榜進士子廷魁字介五

○案續耆舊傳作字珠巖

順治十二

年進士皆選庶吉士改檢討嘗侍班南海子廷魁班居後唱名

世祖顧廷元曰汝弟耶廷元叩頭謝因

賜衣二襲廷魁早卒

錢志

廷元屢遷至司經局洗馬出爲江南參政

督糧儲晉河南按察使轉廣東右布政使攝按察使篆綜覈明
斷復以參政督江北糧儲曹續者卒於官舊傳為人孝友事從父母

猶父母從昆弟猶同產所置田宅與從父共之无私於己他若

置祀產周親戚為惠甚多鄉人歸德焉曹志

黃象雍字薛侯一字靜涵續者舊傳嘉謨之孫四明談助善填詞有屠長卿

風續者舊傳性嗜酒雖入闈必攜美醞醉而握管文不加點三補者舊傳

登順治六年進士授行人曹志十二年為廣東副考官清祕述聞假歸

值海氛未靖大師雲集皆屯民舍象雍見貧氓多露處自以所

居讓戎帥曹志而諷以戢士閭左稍安錢志後遷禮部郎中歸曹志事

父鼎盛備極色養弟姪四十餘人皆同爨不分爾我云續者舊傳

費緯祉字錫茲順治六年以慈谿籍成進士知山東淄川縣家傳縣

西崖有賈人被殺於野而妻縊於家緯祉既檢視集鄉里詰盜

蹤跡莫能得久之縣人周成納賦縣堂驗其袂刺卅字與賈尸衣底布袂同從容問成居去西崖幾里盜所殺賈識之乎成色動刑之盡吐其實始賈妻嘗袂裏簪珥自姻家歸遺於路成拾之夜踰垣入挾之以求歡且要後期不可成怒以所拾脅之則曰吾夫多病旦暮死而從汝耳成乃還簪珥袖袂去明日誘賈殺之夜復踰垣告其妻妻大哭成遁妻遂縊至是以袂裏銀而事覺置成於理胡成馮安相狎不相能安偶飲成家酒酣成出白銀數百大言曰昨吾至南山殺大賈得是銀投其尸於晉井矣安首於縣緯社收成鞫之則醉中妄語也銀則其親鄭倫寄以買田者詰倫語合將釋之而往探南山晉井中赫然有無頭尸成大驚叩頭呼冤緯社曰顯證如此何冤也下成獄復納尸井中招尸主有婦人投牒言夫何甲負貲將行賈而成殺之棄

尸於井緯社曰井中尸信汝夫耶曰信出之果其夫也卻立而號將殮責胡成出其頭不能得乃懸賞募人代覓之須頭至殮然後以銀歸其妻聽其醮無何里人王五以甲頭求賞緯社既賞之復下令願娶甲妻者俾自言一人應而出則王五也於是緯社呼婦前問曰汝知殺汝夫者耶對曰胡成緯社笑曰非也殺汝夫者乃汝與王五耳胡成銀自有主而甲衣皆敗絮豈大賈哉尸在井中何以知爲汝夫見尸而懼哭而不哀非汝殺之而誰吾欲得同謀者故令得頭而後殮殮而後醮汝王五豈敢以頭至哉汝與若急欲爲夫婦而懼有他變也皆服論如律釋胡成而以誣告罪焉安

煙嶼樓集

後調陝西武功縣家傳從孫光業字

景文康熙五十三年順天舉人官內閣中書

采訪

周容字茂三

全祖望撰墓文

一字鄮山生而慧甚芟刃四出一應學使者

試文筆奇橫能櫟括春秋左氏傳使者驚歎以國士遇之未幾

海上兵起容才爲世所急幕府羽檄倚辦其手徐文駒撰墓表明亡後

棄諸生續者舊傳於青雷山薙髮爲僧其父涕泣勸阻容自撰髮塚銘未幾

返服續者舊傳遂放於酒無日不飲無飲不醉墓表白眼罵座世多方

之徐渭不知非其倫也始容未知名時爲御史徐殿臣所識掄

揚不啻口出續者舊傳至是殿臣避亂天童墓表爲土兵突至縛之去

寘平西將軍王朝先營索餉數萬不得囚水牢中親友莫敢赴

容故常往來海上諸營多相識者挺身往請之○案謝泰宗撰鄧山傳言殿臣

命其弟持贖金來竟爲婦所阻容聞之扼腕歎曰人誰無緩急令危無以扶吾輩他日何以見御史遂代其弟往詭名邦臣與

墓文朝先握手道故○釋殿臣歸而部下大譁謂容受賕故來互異

請將軍乃爲秀才欺耶○先遂發怒下容獄榜掠之容不屈賴

座客方伯呂萬旋吉救謹得放還然容足由是蹙嘗自笑曰吾

今日爲半人因別署蹕翁

○案續耆舊傳作自署蹕堂

容蹤跡遍天下所至

皆有詩晚年已倦遊適有以非意干之者乃復出門時里中史

大成官於京招容往已而有博學鴻詞之辟朝臣爭欲薦之容

以死力辭

○案曹志言總督李之芳薦舉博學鴻詞以母老辭不就

次年卒於京邸年六十

一

墓文○案墓表作年六十四

容少卽工詩兼善畫

續耆舊傳

疏木枯石自率胸

臆蕭然遠俗不拘拘於宗法也

畫徵錄

尤工書法斂鋒芒於渾樸

中不屑效斌媚以取妍於人得其書者皆藏弄之若拱璧

曹時志

謂容之畫勝於文詩勝於畫書勝於詩蓋確評也

全祖望跋周鄧山墨蹟

好談諧能傾一座嘗在閩中或以千金屬一事揮去弗顧

續耆舊傳

其卒燕邸止一僕介壽視其含殮

墓表

貴交有賄介壽欲取其集

以去者介壽痛哭持之得以無失云

續耆舊傳

李鄴嗣原名文允以字行桐之子

續耆舊傳

年十二能詩卽有秀句

今世

說十六補諸生

兩浙輶軒錄

侍其父官嶺外通人張孟奇歎異之與

爲忘年交歸而時名大起

蔣傳

順治五年預於華夏等之禍甫得

脫

全祖望撰杲堂軼事狀

桐以牽連被逮

錢志

下省獄鄴嗣亦驅至定海縛

馬殿中七十日

黃宗羲撰墓志

友人萬泰救之得免桐出獄尋卒鄴嗣

一慟幾絕

錢志

是年七月再下府獄已而終得不死

軼事狀

鄴嗣自

蒙難後匿跡雖甚深而其好義不以前事爲鑒

蔣傳

七年馮京第

之難其監軍黃宗炎刑有日矣鄴嗣與馮道濟傾家救出之康

熙初大帥搜得中土薦紳與張煌言往還筆札欲按籍殺之鄴

嗣以奇計使中止其所保護尤多

軼事狀

煌言兩世喪在淺土爲

之營葬日與諸失職者遊燕人梁以樟至鄴鄴嗣偕萬泰徐鳳

垣高斗權斗魁從之賦詩倡和

蔣傳

里中有鑑湖社傲場屋之例

餉名易書以鄴嗣爲主考少長畢集一聯被賞其人如加十資

墓志浙之大吏皆欲以鄴嗣應詞科之薦以死力辭而萬斯同亦

有史館之招鄴嗣送之歎曰鄭次都能招到君章同隱弋陽山

中不能禁其喟然而別從此出處之事且有操之者斯同以是

終身不受館職續耆舊傳晚年力任文獻之重輯甬上耆舊詩人各

有傳書成立諸人之位祭以少牢錢志卒年五十九墓志鄴嗣私淑

戢山之學於黃宗羲私淑漳浦之學於何義兆呂漢憲終身忠

孝自持續耆舊傳所著續世說中寓筆削予奪國朝先正事略詩文亦卓然

成家輟軒錄絕出流輩學者稱杲堂先生錢志子暉有傳

董道權字巽子號缶堂守諭子守諭故官戶部失職家居四方之

至甬上者必以為歸笑談讌集仍其舊時然貧已甚爵酒粒食

皆道權手治黃宗義撰墓志守諭偶食鹿脯而哽疑為牛脯所毒雪夜

延醫醫老不能行道權負之以趨父臥病三年未嘗刻離左右

奉八旬母甘脆無缺母若不知其貧嘗授徒塘西卓氏講書至

父母之年泣然流涕門人爲輟講曹志爲諸生不改舉業人皆疑

之道權慨然曰吾之不攻舉業者吾始應試時吾父特以道權

命名吾不欲失吾父初心也鄭梁撰傳從黃宗義爲證人之會續耆舊傳

與人交和易可親或遇義所不可則戟手大罵若不能容妖人

朱二眉之來武林聲燄隆赫道權爲說闢之預卜其得禍其剛

介明決多類此博覽經史旁通星卜方伎尤精於詩鄭梁謂甬

上固多詩人其能成一家言者鄮山以才勝其氣壯杲堂以學

勝其詞瞻巽子以情勝其致逸三人而已卒年六十鄭傳同人私

謚貞孝先生三補耆舊傳子孫符字漢竹一字桃江諸生樸直厚重

詩亦如之遨遊閩越間所至皆有集胡駿字九池一字南田亦

諸生人甚醇雅終日焚香嘯咏其春日旅懷詩極爲錢廉所賞

云續者舊傳

聞性道字天迺一字恣泉淵之後諸生續者舊傳順治八年

大兵破翁洲閣部張肯堂闔門死之遺骸二十七人性道時在隨

征府倅喬鉢幕中聞而亟往視之乃募鄉民舁肯堂及眷屬賓

從等尸出城全祖望撰張肯堂神道碑○案聞性道自撰雪交

不便他舁坎亭邊空處去亭西南凡二步又二甕埋於東南相去三步半並未言舁尸出城與神道碑互異以三大

甕一貯肯堂骨一貯諸客及僕從骨一貯諸姬骨謀葬之適肯

堂故將汝應元自補陀至相與其瘞之茶山時巡道王爾祿與

性道善續者舊傳爾祿舉孝子性道以諸生陸介祉告性道應王觀察舉孝子牋

復上牋爾祿舉章溪沈士龍韓天申性道舉章溪二士牋康熙十七年

詔舉博學鴻詞巡道許宏勳將以性道應力辭性道嘗修甯波府

志林時躍高宇泰皆極賞之續者舊傳縣令汪源澤延修縣志○案錢志

原文縣之有志自性道始其實朱志
具存非始於聞志也錢氏自不曉耳
天童僧遠庵延修天童志

木陳欲侈陳其盛典性道曰甯為碎琴之達必不為緇衣之或

遂輟筆聞性道答木陳天童新志山川攷書兄性善字與同盛年棄諸生與性道

偕隱而終錢族人世銓守宸竝能詩丙戌後與周元懋韓國祚

陸宇燦有五子之社允松字峻伯詩亦有名續耆舊傳

陸介祉字純嘏父炫里中稱長者耄猶鈔書不倦介祉貧而好學

聞志事親至孝知交中一果一餌必攜歸娛親聞性道應王觀善

畫能得文章家三昧而非屑屑繪事也全祖望撰丙戌後棄諸

生續耆舊傳潔身固窮明州畫史絕不挾藝以謁當事舉孝子牋喜畫老松老

柏以見寄寓續耆舊傳其筆墨臻神妙畫史董守諭董德偁極重之為

人落落穆穆嗜飲人有招之無不至稍醉即隱几臥或竟去不

問主人任天而遊世以是益高之子崑死忽忽不自得竟卒崑

別有傳次子峻字金文諸生其畫得父之遺詩亦不俗以貧死

續耆
舊傳

史起揚字見峯兄弟三人兄蚤死弟出爲人後後貧不自支復與
合爨稍給始析去旣而客死武林聞訃慟哭而行攜其喪歸弟
婦及兩孤無依復與合爨訖有成立有再從兄弟之子二人孤
貧失業起揚攜至家使長者學稼幼者就塾後皆授之室一庭
內外十數人視如一本寡姊老而失明養於家終其天年好周
人急有告必應施義漿良藥屢掩骼埋胔夜則懸燈於路善
無不爲子大成殿試第一人咸謂厚德之報卒年七十七

聞大
志

成別有傳

洪其度字兆裴父濟前明興甯縣主簿其度年十三隨父至任所
甫四月父暴卒遺寡母暨蒼頭四人歸觀無貲其度卽奔控巡

按御史舉止應對如成人御史深加器重厚賻之遂得七千里扶櫬歸長補諸生痛父客死無遺像時時飲泣後知同里毛來賓挾追魂寫真之術不惜厚貲召致繪像如生其孝思如此順

治三年以明經貢太學

曹志

包宸遴字孟翰明崇禎六年舉人任餘杭教諭

王師至浙宸遴歸順順治二年湖寇王廣芝叛兵至臨安執宸遴以去脅降不屈血書報其母曰兒爲

興朝死矣閏六月十日偕湖州府知府汪汝縉同被害子自襄年

甫八歲號泣赴湖負其遺骸而歸

曹志

張子珽字君黍邦伊子明恩貢除武進縣丞以督輸輓抵輦下棲

遲京邑者幾十年順治三年授福建鹽運司運副

家傳

海氛告警

當事以捍禦相屬精鎧仗峙糗糧訓伍兩綜保甲時方鏖急而

濟以寬開釋無辜所全活數百人比解嚴復以商旅道梗貧竈

失業條上兩臺許其陸運近江以避剽掠

洪承疇撰去思碑

五年陞運

同七年陞運使

家傳

一切務持大體日詢民間利病恆曰始入官

如入閭室久而愈明明乃治治乃行又焉用察察爲閩人樂而

安之

鄭瑄撰擢大參序

十年擢江西布政司右參政洪州有土豪聶一

桂賄結權貴民間子女財賄任意橫索子珽密屬吏捕之鞫之

得實未越數刻而督撫提文交至則已斃杖下矣民競焚香以

慶卒於官子應臯字舜臣康熙間以父蔭授江都知縣下車輒

議減刑有虛詞聳聽者嚴以反坐之條一切無名供億悉罷去

之民有真父母之謠

家傳

張應麟字振仲

續耆舊傳

明崇禎十二年舉人順治十八年授平湖教

諭

聞志○案平湖縣志作順治十三年任教諭

時學宮久圯僦舍而居蕭然布疏不

問餽遺士子貧者時捐俸周之振興文教掇巍科者踵相接擢

萍鄉知縣

平湖縣志

有河曰濁漳爲瘠土之患民無可治生應麟堅

築河隄易泥塞以木障土無潰徐給牛種更教民樹棉越歲而

家足於布復清姦宄戢健訟設義學均徭費又以邑多逃人乃

令自首先期緝解免十家連坐之累民陰受其庇卒以此註誤

報罷百姓有赴都籲冤者及行遮道號呼攀轅進觴者無閒百

里歸踰十七年萍鄉父老齋萬民錦障來慶舊使君七十壽且

請畫像以永祝之其感人久而不忘如此

聞志

張瑤芝字次君號蓉嶼邦奇元孫

聞志

博學善詞賦

靈寶縣志

文章妙一

時

李鄴嗣撰

順治八年副貢

○案靈寶志

知靈寶縣

○案胡亦

樓

詩序壬寅遊秦過訪先生方勞瘁星

霜據是瑤芝知靈寶縣在康熙元年

能以信惠化民

聞志

稱最

曹志

旋以愛民不得於上官歎曰吾豈肯坐俟彈事投劾竟